



## Communicaziun a las medias

### 31avel Top Pop Rumantsch: Il zambregiader da Zernez

Cuira, 01-02-2013 – **RTR preschenta sonda, ils 02 da favrer 2013 en il magazin da cultura a las 11:03 il novischem 31avel Top Pop Rumantsch da Luca Besio.**

Il Top Pop Rumantsch entra en ina nova stagiun. Eremit alias Luca Besio da Zernez chanta «La vita tuoch'a tai».

Luca Besio ha cumenzà a far musica sunond melodias da Nadal sin in clavazin da tramagl. Ma igl è lura la batteria ch'ha sveglià tar l'adolescent zernezin la vaira passiuon per la musica, e passond tras la solita band da scola ha el lura batti in' urella il tact tar ils giuvens Skywards da Schlarigna. Cun scuvrir la finala la gitarra ha el era survegnì gust da crear atgnas chanzuns. Il 2001, cun 20 onns, è Luca partì per la Bassa ed è sa chasà en l'Argovia. Ma el ha purtà cun sai l'anim d'ina ritga tradiziun ladina che tanscha da Paulin Nuotclà sur ils Bulais enfin tar Cha da Fö: Sias cumposiziuns, fixadas oramai sin il computer chasan, èn chantadas per gronda part per rumantsch. Ed il zambregiader solitari ha er gist chattà ses num d'art adequat: Eremit. Dacurt ha il Radio Rumantsch scuvert las chanzuns d'Eremit sin la plattafurma Mx3 ed ha suggerì al musicist da participar a la retscha dal Top Pop Rumantsch. E Luca Besio ha pront scrit ina nova chanzun ad hoc, dond a quella sia preferida tonalidà melanconica ed in tema bainvis en la retscha: «La vita tuoch'a tai». Qua resta be anc d'aguntar: La musica er!

Chant, musica e text: Eremit (Luca Besio)

Battaria: Roger Hintermann

Bass: Danny Hertach

Cello: Simon Würgler

Gitarra, loops e programs: Philipp Erdin

Tastas: Stefan Hächler

Producziun, mix e master: Philipp Erdin, Sonarsound, Turitg

*Top Pop Rumantsch è ina seria da producziuns da musica lantschada da RTR Radiotelevision Svizra Rumantscha l'onn 2005. Tut ils titels da la seria èn d'udir sin la pagina d'internet da RTR sut:*

*<http://www.rtr.ch/home/dossiers/actual/Top-Pop-Rumantsch.html>*

Las emprimas 30 chanzuns èn ussa era disponiblas sin ils disc cumpacts "Top Pop Rumantsch vol. 1 e 2". Dapli sin: [www.rtr.ch/butia](http://www.rtr.ch/butia)

## **la vita tuoch'a tai**

mincha sforz cha tū hast fat fin uossa  
ha resultà in ün progress  
il cumbat ch'hast gnü per tia chossa  
ha resultà in ün success

perche vess eu da perder  
sch'eu dun tuot quai ch'eu poss  
perche stess avair temma  
da far qualchossa foss  
chatta la fiduzia  
cha portast aint in tai  
na dar sü la spranza  
la vita tuoch'a tai

na dar sü,  
na dar sü la spranza  
La vita tuoch'a tai

tuot quellas voutas cha hast gnü ün dubi  
est eir crodà sül nas  
mincha vouta ch'hast pers il curaschi  
hast eir giü pers teis pas

perche vess eu da perder  
sch'eu dun tuot quai ch'eu poss  
perche stess avair temma  
da far qualchossa foss  
chatta la fiduzia  
cha portast aint in tai  
na dar sü la spranza  
la vita tuoch'a tai

na dar sü,  
na dar sü la spranza  
la vita tuoch'a tai

## **Dapli infurmaziuns:**

*Radiotelevisiun Svizra Rumantscha*  
*Jachen Prevost, manader redacziun da musica*  
*Tel. 081 255 75 75*  
*E-Mail: [jachen.prevost@rtr.ch](mailto:jachen.prevost@rtr.ch)*